

KOMITMEN TEGUH MSM UNTUK ESG DITERUSKAN

1,000 POKOK BAKAU BAKAL DI TANAM DI PULAU PINANG

Seberang Perai, 6 Jun 2022 – Sempena sambutan Hari Alam Sekitar Sedunia 2022, MSM Malaysia Holdings Berhad (MSM) melalui anak syarikat milik penuhnya, MSM Prai Berhad (MSM Prai) memperkuatkan komitmennya terhadap inisiatif hijau dalam memelihara dan memulihara alam sekitar.

Sebanyak 200 pokok bakau ditanam di Pusat Pendidikan Kecil Hutan Paya Laut yang terletak di Sungai Acheh, Nibong Tebal, Seberang Perai Selatan, Pulau Pinang. Program penanaman pokok bakau dengan kerjasama strategik bersama Jabatan Alam Sekitar Pulau Pinang (JAS) dan Persatuan Kebajikan Nelayan-nelayan Pantai Pulau Pinang (PIFWA) adalah usaha berterusan daripada acara tahun lepas, di mana 700 anak pokok bakau telah ditanam dipersisir kilang MSM Prai.

Ketua Pegawai Eksekutif Kumpulan MSM, Syed Feizal Syed Mohammad berkata “Tahun ini, MSM Prai bersedia untuk menanam 1,000 pokok bakau secara berperingkat di kawasan khusus untuk penanaman pokok dan bakau di Pulau Pinang. Penanaman pokok bakau ialah pendekatan mesra alam yang berkesan dengan faedah dalam pemuliharaan ekosistem yang luas termasuk melindungi kualiti air, menstabilkan tebing sungai, memupuk habitat ikan dan penyumbang kepada mitigasi perubahan iklim.”

“MSM kekal teguh dalam usaha untuk memastikan program kemampanan dan rangka kerja Alam Sekitar, Sosial dan Tadbir Urus (ESG) kami mencapai matlamatnya dan hasil terbaik dalam jangka masa panjang. MSM benar-benar komited untuk memenuhi komitmen ESG dan melangkah lebih jauh dengan melantik Juara ESG dalam kalangan Warga MSM untuk memacu dan menyokong usaha ESG Kumpulan MSM. Ini adalah bukti bahawa setiap individu di MSM memainkan peranan aktif dalam mengimbangi keperluan antara operasi perniagaan dan memelihara alam sekitar,” kata Syed Feizal.

Selain daripada menanam pokok bakau, MSM Prai Berhad turut menyumbang dana kepada Pusat Pendidikan Hutan Bakau untuk kerja-kerja pembaikan gerbang pintu masuk dan titi laluan. Turut hadir pada majlis tersebut ialah Timbalan Pengarah JAS Pulau Pinang, Azman Shah bin Ismail, Ketua Pegawai Operasi Kumpulan MSM, Hasni Ahmad, Ketua Operasi MSM Prai, Cheah Poh Lye, Presiden PIFWA, Ilias Shafie, pengurusan kanan Kumpulan MSM serta, pelajar Fakulti Sains Kesihatan, Universiti Teknologi MARA (UiTM), Kampus Bertam, Pulau Pinang.



Sebagai warga korporat yang bertanggungjawab, MSM didorong untuk membawa impak positif kemampanan melalui pelbagai inisiatif dan bercita-cita untuk mencapai kecemerlangan dalam kemampanan dengan menyepadukan amalan lestari ke dalam setiap aktiviti perniagaan.

MSM merancang untuk mencapai sifar bersih beberapa tahun lebih awal daripada garis masa yang ditetapkan iaitu pada 2050 melalui sasaran berasaskan sains seperti tenaga boleh diperbaharui seperti menggunakan solar, kitar semula CO₂ yang dikeluarkan semula ke dalam proses pembuatan, dengan mengambil kira penggantian bahan api fosil untuk kenderaan pengangkutan yang akhirnya akan membuat impak yang ketara dalam mengurangkan pelepasan gas rumah hijau untuk kumpulan kami.

Bagi memastikan sebarang isu berkaitan ESG dan kemampanan dalam Kumpulan MSM ditangani dengan sewajarnya, MSM mengalu-alukan mana-mana pihak berkaitan, pihak berkepentingan dalaman dan luaran untuk mengemukakan isu tersebut di esg@msmsugar.com.

-TAMAT-

Maklumat MSM Malaysia Holdings Berhad (MSM)

MSM Malaysia Holdings Berhad (MSM) ialah pengeluar gula bertapis terkemuka Malaysia dan salah satu syarikat penapis gula terbesar di Asia. MSM terlibat dalam pengeluaran, pemasaran dan penjualan produk gula bertapis di bawah jenama "Gula Prai". Syarikat ini menjalankan perniagaan terutamanya melalui dua anak syarikatnya, MSM Prai Berhad dan MSM Sugar Refinery (Johor) Sdn Bhd. Di samping itu, MSM juga mengendalikan sebuah syarikat logistik – MSM Logistics Sdn Bhd.

Pada masa ini, kapasiti pengeluaran tahunan MSM mencecah 2.05 juta tan gula bertapis. Pada tahun 2021, MSM mengeluarkan sebanyak 895,222 tan gula bertapis, di mana 246,101 tan adalah untuk pasaran eksport. Ketika ini, MSM menguasai sehingga 60% syer pasaran domestik. MSM telah disenaraikan di Pasaran Utama Bursa Malaysia sejak 2011 dan mempunyai modal pasaran sebanyak RM900 juta setakat 31 Disember 2021. MSM menggabungkan kejayaan ekonomi bersama perlindungan alam sekitar dan tanggungjawab sosial untuk masa depan yang mampan.

MSM menawarkan pelbagai rangkaian produk daripada gula bertapis putih pelbagai saiz sehinggalah ke gula perang halus. Kesemua produk ini telah dipasarkan dan dijual di dalam pelbagai bentuk pilihan pembungkusan di bawah jenama "Gula Prai". MSM juga turut menjual 'molasses' sejenis produk sampingan yang dihasilkan menerusi proses penapisan gula hingga ke produk penyulingan dan penghasilan etanol, makanan haiwan dan yis antara lain-lain produknya. Selain daripada produk pengguna isi rumah, MSM menjual kepada pelbagai pelanggan di Malaysia dan juga negara-negara lain secara langsung dan tidak langsung melalui pedagang, pemborong dan pengedar. Para pelanggan termasuklah syarikat-syarikat besar dalam industri minuman dan makanan, hotel, restoran dan rangkaian kedai-kedai makanan.

Untuk maklumat lanjut, sila layari www.msmsugar.com

Pernyataan Berpandangan Ke Hadapan

Beberapa pernyataan dalam laporan ini mengenai operasi MSM adalah berbentuk pernyataan yang berpandangan ke hadapan. Pernyataan ini boleh dikenal pasti dengan kata-kata kunci seperti "percaya", "menganggarkan", "mengharapkan", "menjangka", "berhasrat", "mungkin", "akan", "merancang", "prospek" dan perkataan lain yang mempunyai maksud yang berkaitan dengan perbincangan mengenai prestasi operasi atau kewangan masa hadapan. Pernyataan ini berkaitan dengan rancangan, objektif, matlamat, strategi, operasi dan prestasi masa hadapan MSM. Keputusan dan hasil sebenarnya mungkin berbeza daripada yang diunjurkan dalam mana-mana pernyataan yang berpandangan ke hadapan disebabkan oleh pelbagai peristiwa, risiko, ketidakpastian dan faktor lain yang terlibat. Kami tidak berhasrat atau tidak menanggung apa-apa obligasi untuk mengemas kini atau meminda mana-mana pernyataan yang berpandangan ke hadapan, sama ada disebabkan oleh maklumat baharu, peristiwa masa hadapan atau sebaliknya.



Untuk pertanyaan media sila hubungi:

Siti Noorbaya Mohd Yunus

+603 2181 5018 ext. 158

+6016 677 6118

noorbaya.my@msmsugar.com

Syahidah Ismail

+603 2181 5018 ext. 154

+6019 225 9705

syahidah.i@msmsugar.com